

445/25

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**Grad Zenica**  
**Sektor za javna preduzeća i javne ustanove**

Broj: 19-224/25  
Zenica, 28.05.2025. godine

## **STRUČNA SLUŽBA GRADSKOG VIJEĆA**

**PREDMET:** Izvještaj o radu JP "ZENICAGAS" d.o.o. Zenica za 2024. godinu

Sektor za javna preduzeća i javne ustanove u ime Osnivača razmotrio je Izvještaj o poslovanju JP "ZENICAGAS" d.o.o. Zenica za 2024. godinu sa pripadajućim setom izvještaja i konstatuje sljedeće:

U 2024. godini JP "ZENICAGAS" d.o.o. Zenica je zastupao direktor Sandino Rizvanović, dok su funkciju Nadzornog odbora obavljali: Željko Bodul, Elmina Milešić i Edin Husanović.

Osnovna djelatnost JP „ZENICAGAS“ d.o.o. Zenica jeste distribucija gasovitih goriva distribucijskom mrežom. Preduzeće je osnovano s ciljem uspostavljanja gasne mreže za područje Grada Zenica, te pružanje usluga svim pravnim i fizičkim licima nakon izvršene gasifikacije. Cilj je da Preduzeće upravlja sigurnošću snabdijevanja gasom, količinama gasa, te da osigura cijene gasa po kojoj bi isto bilo konkurentno. Distribucijom prirodnog gasa doprinijet će se dodatnom poboljšanju kvalitete zraka u gradu Zenica.

Na dan 31.12.2024. godine Preduzeće je zapošljavalo 6 radnika.

U periodu 01.01.do 31.12.2024. godine ostvareni su ukupni prihodi u iznosu **317.468,00 KM** i svi priznati prihodi su prihodi od budžeta Grada Zenica, osim iznosa 880 KM koje je Preduzeće fakturisalo za izdavanje saglasnosti. Preduzeće je u 2024. godini na ime namjenskih sredstava za pokriće troškova redovnog poslovanja iz budžeta Grada Zenica uprihodovalo sredstva u iznosu 316.588,00 KM i 491.802,07 KM na ime namjenskih sredstava za investiciona ulaganja i izradu projektne dokumentacije. Neutrošena sredstva na računu Preduzeća sa 31.12.2024. godine iznose 264.602,00 KM i namjenjena su za investiciono ulaganje i ista će biti utrošena u skladu sa Trogodišnjim planom poslovanja Preduzeća za 2025. godinu.

Ukupni rashodi u izvještajnom periodu iznose **311.836,00 KM** i u odnosu na prethodnu godinu veći su za 23% ili 59.628,00 KM.

Najznačajniji rashodi odnose se na troškove plata zaposlenih i naknada Nadzornom odboru sa pripadajućim porezima i doprinosima i čine čak preko 80% ukupnih rashoda. Preduzeće ne obavlja svoju djelatnost i nema materijalnih rashoda kao rezultat obavljanja djelatnosti.

Preduzeće je ostvarilo pozitivan finansijski rezultat tj. bruto dobit u iznosu 5.632 KM odnosno neto dobit u iznosu 4.801 KM.

U toku 2023. godine Preduzeće je apliciralo na javni konkurs Fonda za zaštitu okoliša FBiH JK/23 gdje je dobilo grant sredstva u iznosu od 65.000 KM za projekat „Sredstva za izgradnju sekundarne distributivne gasne mreže u Poslovnoj zoni Zenica 1“ (ZEDA) i isti je okončan u 2024. godini. U izvještajnoj godini od strane Fonda za zaštitu okoliša Preduzeću su odobrena sredstva u iznosu 40.000,00 KM i ista će biti prebačena na račun u 2025. godini za nabavku rejonsko regulacione stanice za gas (RRS 22) u sklopu gasifikacije Poslovne zone Zenica 1.

Pored navedenog Preduzeće je realizovalo i sljedeće projekte:

- Izgradnju sekundarne distributivne gasne mreže u Poslovnoj zoni Zenica 1,
- Nabavku rejonske regulacione stanice za gas,
- Izgradnju primarne distributivne mreže u poslovnoj Zenica 1,
- Geodetsko snimanje terena na lokaciji Kanal-vijadukt-Pehare-raskrsnica-trasa gasovoda GMRS-Kantonalna bolnica Zenica,
- Izradu elaborata o prolasku gasovoda ispod magistralne ceste,
- Sanacije kvara na sekundarnoj distributivnoj mreži u ulici Đerzelezova,
- Provođenje elaborata geodetskog snimanja izvedenog stanja projekat Gasovodne distributivne mreže u katastru i dr.

U 2024. godini Nadzorni odbor je održao 5 sjednica (4 redovne i 1 vanrednu) na kojima je razmatrao različita pitanja iz svoje nadležnosti. U svom Izvještaju navode da je Direktor obavljao svoje dužnosti ozbiljno i odgovorno, blagovremeno izvršavao tekuće zadatke, te upravljao imovinom u najboljem interesu Preduzeća. Svojom Odlukom su usvojili Izvještaj o poslovanju i Izvještaj nezavisnog revizora za godinu koja je završila sa 31.12.2024. godine.

Reviziju finansijskih izvještaja je obavilo Društvo za reviziju „Re-CONTROLLING“ d.o.o. Zenica. Naglasili su da izvještaji daju istinit i fer prikaz finansijskog položaja Društva, finansijsku uspješnost, i novčane tokove za 2024. godinu, te su u skladu sa Međunarodnim standardima finansijskog izvještavanja i računovodstvenim propisima koji se primjenjuju u FBiH.

Prema dostavljenoj dokumentaciji Sektor za ekologiju i komunalne poslove, kao resor, zaključio je da je Preduzeće radilo na uspostavljanju distributivne mreže gasovitih goriva u Gradu, i da je isto u izvještajnom periodu uredno izmirivalo svoje obaveze.

Sektor za javna preduzeća i javne ustanove dostavlja Izvještaj o poslovanju Javnog preduzeća “ZENICAGAS” d.o.o. Zenica za period 01.01. – 31.12.2024. godinu, sa pratećim izvještajima, Gradskom vijeću na dalje razmatranje i odlučivanje.

#### PRILOZI:

1. Izvještaj o poslovanju JP “ZENICAGAS” d.o.o. Zenica za 2024. godinu, koji uključuje finansijski izvještaj, izvještaj revizora, izvještaj nadzornog odbora sa ocjenom o radu direktora, te Odluku Nadzornog odbora o usvajanju izvještaja o poslovanju za 2024. godinu.

S poštovanjem,



Šefica sektora za JP i JU  
po ovlaštenju

**Berina Halilović-Mehić**

**DOSTAVLJENO:**

1x Naslov

1x a/a